

新刊經進詳註昌黎先生文集

新刊經進詳註昌黎先生文卷第十一補

雜文

原道

本傳云愈每言文章自漢司馬相如太史公劉向揚雄後作者不世出故愈深探本元卓然獨立成一家言其原道原性師說等數十篇皆奧衍宏深與孟軻揚雄相表裏而佐佑六經以至他文造端置辭要為不蹈襲前人者然惟愈為之沛然有餘至其徒李翱李漢皇甫湜從而效之遽不及遠甚詩話洪駒父云古人文章必謹布置如韓文公原道與書之堯典蓋如此其他雖謂之變體也譬如山林園圃自有首尾前後原義以仁義立意而道德從之故老子捨仁義則非所謂道德矣其立仁義也豈不既大矣乎叙異端之汨正道又歷數古

之聖人不得不用仁義以治天下如彼反  
佛老捨仁義則不足以治天下如彼反  
復皆數疊而後結之以治天下中庸之  
道言堯舜禹相傳之以治天下非吾  
之論也若堯典自稽古帝堯至格于上  
下則堯之大略也自克明俊德至於變  
時雍言脩身以及天下也於是命羲和  
言天事若采若時登庸言人事洪水方  
割言地事三才之道既備則繼之以堯  
位終焉然則自上古有文章則繼之以  
講學之士何可不知也補註原道解准  
南子以原道首篇許氏箋云原本也公  
衍宏深與軻雄相等十數篇史氏謂其奧  
哉是言也蘇內翰常謂六一云論大道  
似韓愈又曰自孟之後能將許大見識  
尋求古人其斷曰孟子醇乎醇荀楊擇  
焉而不精語焉而不詳若非有見識豈  
千餘年後便斷得如此分明獨子由與  
張芸叟等謂不然子由曰自佛入中國

與夫子之教並行末俗因習其漸至有  
立浮屠作道場廣精舍迎佛骨末習之  
敝然也以吾夫子之教後世猶有餘六  
經以文藝言况彼方外之教哉愈徒見  
末俗之迹而併斥之過矣蓋愈之學朝  
夕從事於仁義禮樂之間自形而上者  
愈所不知也原道之作指道德為虛位  
斥佛老與楊墨同科豈為知道工於為  
文者也哉叟作韓愈上下篇亦謂愈為  
文士道則未聞也曰昔張籍嘗諷愈排  
釋老不若著書愈亦嘗以書反復之既  
而原道大抵言教其原性也大抵言情  
原道曰仁義為定名道德為虛位又曰  
吾所謂道德云者合仁與義言之也其  
曰合而言之矣豈復有虛位定名之辨  
哉又曰周道衰孔子沒火于秦黃老于  
漢佛于晉宋齊梁夫道安可火而佛老  
邪所以或燼或炎迭盛迭衰者皆教也  
原性曰性之品三而所以為性者五曰

仁義禮智信也情之品三而所以為情者七曰喜怒哀懼愛惡慾也愈之意其以醇者為性雜者為情然君子秉仁義而無惡慾是無情者也嬰兒生能啼笑知飢乳是無性者也原毀曰責已重以周待人輕以約其言責已則思欲為舜周公待人則一藝一善足矣中庸曰君子之道夫婦可與知及其至也雖聖人亦有所不知孔子後生可畏焉知來者之不如今吾安敢以一藝一善期天下之人哉又其原人曰日月麗于天百穀草木麗于土主天地可矣至於禽獸各自聚散飛走以從性豈願人為之主哉凡此皆詭辯不經抵牾於聖人者也子由所六釋氏柳子厚在當時於送僧浩初序已有此論而芸叟所言蓋少作也今其畫墁蓋刪之矣變者其審之

博愛之謂仁行而宜之之謂義由是而之焉性之

也之謂道足乎已無待於外之謂德仁與義為

定名道與德為虛位

易載孔子之言曰立天之道曰陰與陽立地之道曰

柔與剛立人之道曰仁與義故道有君子有小

人而德有凶有吉老子之小仁義非毀之也其

見者小也

史記老子楚苦縣人也姓李氏名耳字伯陽謚曰聃周守藏室之史也見

周之衰遂云不著書上下篇言道德之意五千

餘言而去莫知所終其言曰失道而後德失德而後仁失仁而後義失義而後禮

夫禮者忠信之薄而亂之首也坐井而觀天

曰天小者非天罪也彼以煦煦為仁子子為義

其小之也則宜其所謂道道其所道非吾所謂

道也其所謂德德其所德非吾所謂德也凡吾

11-11-11

2

者一有

也王雱曰楊子云老子之言道德吾有取焉尔然

10

母孝惠元年曹叅為齊相天下初定悼惠王富  
於春秋叅盡召諸老先生問所以安百姓聞膠  
西有蓋公善治黃老言使人厚幣請之既見蓋  
公蓋公為言治道貴清淨而民自定叅於是避  
正室舍蓋公焉其治要用黃老術佛于晉宋齊  
故相齊九年齊國安集大稱賢相

梁魏隋之間

東晉孝武帝宋明帝齊世祖梁武帝魏太武隋文帝皆崇奉佛法

其言道德仁義者不入于楊則入于墨

謂周襄之時

漢藝文志墨子七十一篇註云名翟為宋大夫在孔子後列子註云楊朱或云字子居戰國時

人後於墨子楊朱與禽滑釐辯論其說在愛已不枚一毛以利天下與墨子相反然按陸德明

楊我字子居恐不入于墨則入于老  
謂秦漢之間

入于老則入于佛

謂晉宋齊梁魏隋之間

入于彼必出于

此入者主之出者奴之入則附之出則汚之噫



後之人其欲聞仁義道德之說孰從而聽之老

者曰孔子吾師之弟子也佛者曰孔子吾師之

弟子也爲孔子者習聞其說樂其誕而自小也

亦曰吾師亦嘗師之云爾不惟舉之於口而又

筆之於其書家語孔子常與噫後之人雖欲聞仁

義道德之說其孰從而求之甚矣人之好怪也

不求其端不評其末惟怪之欲聞古之爲民者

四士農工商爲四民此篇凡今之爲民者六以

佛古之教者處其一今之教者處其三農之家

一而食粟之家六工之家一而用器之家六賈

之家一而資焉之家六柰之何民不窮且盜也  
古之時人之害多矣有聖人者立然後教之以  
相生養之道爲之君爲之師驅其蟲蛇禽獸而  
處之中土寒然後爲之衣飢然後爲之食木處  
而顛墜土處而病也然後爲之宮室爲之工以  
贍其器用爲之賁以通其有無爲之醫藥以濟  
其夭死爲之葬埋祭祀以長其恩愛爲之禮以  
次其先後爲之樂以宣其湮鬱爲之政以率其  
怠勸與倦同爲之刑以鋤其強梗相欺也爲之符

璽斗斛權衡以信之

莊子注云符者分而爲兩合而成一即今之銅魚木

契也也璽者王者之王握之以攝君天下也前漢志十斗為斛衡平也權重也衡所以任權而均物平輕重也師古相奪也為之城郭甲兵以守日鍾者稱之權也

之害至而為之備患生而為之防今其言曰聖

人不死大盜不止剖斗折衡而民不爭此莊子

訖嗚呼其亦不思而已矣如古之無聖人人之

類滅久矣何也無羽毛鱗介以居寒熱也無爪

牙以爭其食也其無是故君者出令者也百者

行君之令而致之民者也民者出粟米麻絲作

器皿通貨財以事其上者也農出粟米麻絲工

飯財食血音眉求切說文君不出令則失其所以為

君臣不能一本無能行君之令而致之民其有所失

臣民不出粟米麻絲作器皿通貨財以事其上

則誅今其法曰必棄而君臣去而父子禁而相

生養之道以求其所謂清淨寂滅者謂清淨寂滅

害前漢藝文志道三十七家九百九十三篇其

流蓋出於史官歷記成敗存亡禍福古今之道

也然後秉要執本清虛以自守此君人南面之術

也及放者為之則欲絕去禮學兼棄仁義曰獨

以任清虛可以為治按景德傳燈錄佛家嗚呼其

亦幸而出於三代之後不見黜於禹湯文武周

公孔子也其亦不幸而不出於三代之前不見

正於禹湯文武周公孔子也帝之與王其號名

殊其所以為聖一也

白虎通曰帝王者號也號者功之表也所以表功明

德號令百下者也德合天地者稱帝仁義合者稱王別優劣也夏葛而冬裘渴

飲而飢食其事殊其所以為智一也今之一作其

言曰曷不為太古之無事是亦責冬之裘者曰

曷不為葛之之易也責飢之食者曰曷不為飲

之之易也傳曰古之欲明明德於天下者先治

其國欲治其國者先齊其家欲齊其家者先修

其身欲修其身者先正其心欲正其心者先誠

其意禮記大學然則古之所謂正心而誠意者將

以有為也今也欲治其心而外國家天下者滅

其天常

法言曰孰有書不由筆言不由舌吾見天常為帝王之筆舌也註云天常五常

也子焉而不父其父臣焉而不君其君民焉而

不事其事孔子之作春秋也諸侯用夷禮則夷

之夷而進於中國則中國之

周衰道喪夷狄之君反爭盟於中國

晉鄭中國之侯伯反從夷狄之亂則中國之人

幾何而不為夷也春秋安得不為之作而救之

哉故孔子進吳楚黜滕杞經曰夷狄之有君不

如諸夏之亡

論語孔子之言亡無也傷時諸夏之亡君曰夷狄猶不如是爾詩

曰戎狄是膺荆舒是懲

頌閟宮詩之文鄭云膺當懲也僖公與齊威

舉義兵北當戎與狄南艾今也舉夷狄之法而

加之先王之教之上

禮記檀弓篇曰南宮縚之妻之姑之喪公之句法蓋

此本乎幾何其不胥而爲夷也夫所謂先王之教

者何也博愛之謂仁行而宜之之謂義由是而

之焉之謂道足乎已無待於外之謂德其教一作

文詩書易春秋其法禮樂刑政其民士農工賈

其位君臣父子師友賓主昆弟夫婦其服絲麻

其居宮室其食粟米蔬菓魚肉其爲道易明而

其爲教易行也是故以之爲已則順而祥以之

爲人則愛而公以之爲心則和而平以之爲天

下國家無所處而不當是故生則得其情死則

盡其哀郊焉而天神假至也音格廟焉而人鬼饗曰

斯道何道也曰斯吾所謂道也非向所謂老與  
佛之道也堯以是傳之舜舜以是傳之禹禹以  
是傳之湯湯以是傳之文武周公文傳  
之孔子孔子傳之孟軻軻之死不得其傳焉荀  
與楊也擇焉而不精語焉而不詳東坡云韓愈  
士如原道中言語雖有疵病自孟子之後能將  
許大見識尋求古人自亦難得觀其斷曰孟子  
醉手醉荀楊擇焉而不精語焉而不詳若不是  
他有見識豈千餘年後便斷得如此分明如楊  
雄言老子謂之道德有取焉爾至於提仁義  
絕滅禮學為無取若以老子剖斗折衡而民不  
爭聖人不起為救時反本之言為無取尚可恕  
如老子言失道而後德失德而後仁失仁而後  
義失義而後禮則不識道理不成言語却言其  
言道德則有取揚子亦自不見此其與韓愈相



去遠矣由周公而上上而為君故其事行由周公

而下下而為臣故其說長然則如之何其可也

曰不塞不流不止不行人其人火其書廬其居

王荆公云禮樂之壞聖人所深惜老聃莊周何

其不仁也不悉取百家焚燒之則神何由降明

何由出韓愈所謂不塞不流者善言也歐陽公

本論云今堯舜三代之政其說尚傳其具皆在

誠能講而修之無所施矣傳曰物莫能兩大自

樂而趨焉則佛無所施矣傳曰物莫能兩大自

然之勢也豈必曰明先王之道以道之鰥寡孤  
獨廢疾者有養也其亦庶乎其可也  
當讀孟軻之書欲知軻者當究韓愈之論苟不  
讀韓非惟不知道又且下筆泛濫觀其言曰堯  
傳之舜舜傳之禹禹傳之湯湯傳之文武周公  
周公傳之孔子孔子傳之孟子軻若舉而論之當

繫之曰孟子之文軻傳之韓愈善乎老蘇上歐陽之言曰孟子之文語約而意盡韓子之文如長江大河執事之文紆徐委備往復百折三者皆斷然自爲一家蓋執事之文非孟子韓子之文歐陽論韓子者當自歐陽子始東坡常尊之以後之善大道似韓愈

# 原性

補註孟子言性善荀子言性惡揚子言善惡混公乃作原性取三子者而折之以孔子之言於是說者紛然李習之皇甫持正杜牧之皆唐之聞人而李皇甫則從公游者也習之置孟荀楊之論本中庸作復性書三篇歐陽公曰此中庸之義踧爾智者議其性當復中庸還者雖讀此不曉也不作可焉待正作孟荀言性論大抵皆祖公之意而終之曰孟子以人性皆如堯舜未至者斯勉矣荀

言惟人性皆如桀跖則不及者斯怠矣書  
曰惟人最靈記曰人生而靜感於物而  
後動則孟子之言合經為多故之作三  
子言性辨其略以謂喜怒哀懼愛惡欲  
七者情出於性者也七情中愛惡二者  
性之根惡之端也荀言人性惡此二子  
荀得多矣至王荆公號為道德性命之  
學其作原性則曰太極者五行之所由  
行而五行非太極也性者五常之太極  
也而五常不可謂之性此愚所以異於  
韓子太極生五行然後利害生焉而太  
極不可以利害言也性生情有情然後  
善惡形焉而性不可以善惡言也此愚  
所以異於孟子荀孟子以惻隱之心人皆  
有之因以謂人之性天不仁必也怨毒  
忿戾之心人皆無之性然後可以言性善  
而人皆果無之乎荀子曰其為善者偽  
也又曰陶人化土而為埴埴豈人之性  
夫陶人不以木為埴者土有埴之性也  
為在其為偽也埴之言似矣猶未離乎

以習而  
言性也

性也者與生俱生也情也者接於物而生也性之品有三而其所以爲性者五情之品有三而其所以爲情者七曰何也曰性之品有上中下三上焉者善焉而已矣中焉者可導而上下也下焉者惡焉而已矣其所以爲性者五曰仁曰義曰禮曰信曰智上焉者之於五也主於一而行之四中焉者之於五也一也不少有焉則少反焉其於四也混下焉者之於五也反於一而悖於四性之於情視其品情之品有上中下三其

所以為情者七曰喜曰怒曰哀曰懼曰愛曰惡

曰欲

禮記禮運之文

上焉者之於七也動而取其

一作於

中中焉者之於七也有所甚有所亡然而求合

其中者也下焉者之於七也亡與甚直情而行

者也情之於性視其品孟子之言性曰人之性

善

滕文公見孟子稱堯舜

荀子之言性曰人之性

惡

論性篇曰人之性惡其善者偽也故枸木必

性惡

待緊括然後直純金必待磨厲然後利今之

楊子之言性曰人之性善

惡混

修身篇云人之性也善惡混修其

夫始善

而進惡歟始惡而進善歟始也混而今也善惡

歟皆舉其中而遺其上下者也得其一而失其

二者也叔魚之生也其母視之知其必以賄死

晉語叔魚生其母視之曰是虎目而不喙鵝育而牛腹谿壑可盈是不可壓也必以賄死遂不

視後昭公十四年邢侯殺叔魚叔魚楊食我之生

也叔向之母聞其號也知必滅其宗左傳昭公

初晉叔向娶於申公巫目氏生伯石一名楊食我伯石始生子容之母走謂諸姑曰長叔姒生

男姑視之及堂聞其聲而還曰是豺狼之聲也狼子野心非是莫喪羊舌氏矣遂弗視是年夏

六月晉殺祁盈及食我越椒之生也子文以為

太戚知若敖氏之鬼不食也左傳宣公四年初

越椒子文曰必殺之是子也熊虎之狀而豺狼

大惑及將死聚其族曰椒也知政乃速行矣無  
及於難且泣曰鬼猶求食若敖氏之鬼不其餒  
而及子越為令尹人之性果善乎后稷之生也  
楚子遂滅若敖氏

其母無災其始匍匐也則岐岐然疑疑然后稷

之子其母有郤氏曰姜原出見巨跡踐而身動  
居期而生生民詩曰誕彌厥月先生如達不圻

不副無災無害又曰誕實匍匐克岐克嶷文王  
鄭云岐岐然意有所知嶷嶷然有所別識

之在母也母不憂既生也傳不勤既學也師不

煩國語晉齊曰之言註人之性果惡乎堯之朱

舜之均堯之子高均皆不肖文王之管蔡管叔鮮

旦王之子武王之弟也武王既崩成王少周公

武庚以作亂周公承成王命習非不善也而卒

為蕞贅叟之殍鯨之禹

舜父贅叟禹父鯨

習非不惡也

而卒為聖人之性善惡果混乎故曰三子之言性也舉其中而遺其上下者也得其一而失其二者也曰然則性之上下者終不可移乎曰上之性就學而愈明下之性畏威而寡罪是故上者可教而下者可制也其品則孔子所謂不移也

論語

語載孔子之言曰性相近也習相遠也惟上智與下愚不移

曰今之言

性情

一無字

者異於此何也曰今之言者雜佛老

而言也雜佛老而言者奚言而不異

原毀



**論語** 公之責已待人論則孔子所謂躬  
自厚而薄責於人者也責已則欲為舜  
欲為周公蓋顏淵公明儀所言是也待  
人則一善一藝而足則素誓人有技若  
已有之是也急與忌則冒  
疾以惡人之有技者是矣

古之君子其責已也重以周其待人也輕以約

此孔子所謂躬自厚而薄責於人也重以周故不怠輕以約故人

樂為善聞古之人有舜者其為人也仁義人也

孟子曰舜由仁義行非行仁義也求其所以為舜者責於已曰

彼人也余人也彼能是而我乃不能是早夜以

思去其不如舜者就其如舜者聞古之人有周

公者其為人也多才與藝人也求其所以為周

公者責於已

一本無責於已三字有而爲之大聖人也

曰彼人也

余人也彼能是而我乃不能是早夜以思去其不如周公者就其如周公者舜大聖人也後世無及焉周公大聖人也後世無及焉是人也乃曰不如舜不如周公吾之病也是不亦責已者重以周乎其於人也曰彼人也能有是是足爲良人矣能有是是足爲藝人矣取其一不責其二即其新不究其舊恐恐然惟懼其人之不得爲善之利一善易修也一藝易能也其於人也乃曰能有是是亦足矣曰能善是是亦足矣是

不亦待於人者輕以約乎今之君子則不然無一  
則不然字其責人也詳其待已也廉詳故人難於爲  
善廉故自取也少已未有善曰我善是是亦足  
矣已未有能曰我能是是亦足矣外以欺於人  
內以欺於心未少有得而止矣是不亦待於已  
者以廉乎其於人也曰彼雖能是其人不足稱  
也彼雖善是其用不足稱也舉其一不計其十  
究其舊不圖其新恐恐然惟懼其人之有聞也  
是不亦責於人者已詳乎夫是謂不以衆人待  
其身而以聖人望於人吾未見其尊已也雖然

爲是者有本有原怠與忌之謂也怠者不能修而忌者畏人修吾常試之矣常試語於衆曰某良士某良士其應者必其人之與也不然則其所踈遠不與同其利者也不然則其畏也不若是強者必怒於言懦者必怒於色矣又嘗語於衆曰某非良士某非良士其不應者必其人之與也不然則其所踈遠不與同其利者也不然則其畏也不若是強者必悅於言懦者必悅於色矣是故事修而謗興德高而毀來嗚呼士之處此世而望名譽之光道德之行難矣將有仕

於上者得吾說而存之其國家可幾而理也

### 原人

自天者日月星辰之主所以華夏至篤  
近而舉遠堯舜三代之主所以華夏至篤  
類罔不率俾鳥獸魚鼈咸若用此道也  
或曰聖人一視同仁不幾於墨子樂命  
九官以蠻夷猾夏命皋陶作士至疇若  
子上下草木鳥獸則命益作朕虞終之  
曰咨汝二十有二人欽哉惟時亮天工  
所以戒勅之者一也豈謂其掌禽獸夷  
狄而別  
異之乎

形於上者謂之天形於下者謂之地命於其兩  
間者謂之人形於上日月星辰皆天也形於下  
草木山川皆地也命於其兩間夷狄禽獸皆人

也曰然則吾謂禽獸曰人可乎曰非也指山而問焉曰山乎曰山可也山有草木禽獸皆舉之矣指山之一草而問焉曰山乎曰山則不可故天道亂而日月星辰不得其行地道亂而草木山川不得其平人道亂而夷狄禽獸不得其情天者日月星辰之主也地者草木山川之主也人者夷狄禽獸之主也主而暴之不得其為主之道矣是故聖人一視而同仁篤近而舉遠

### 原鬼

補註 公讀墨子曰 儒議墨明鬼而孔子云云 公於是作原鬼

有嘯於梁從而燭之無見也斯鬼乎曰非也鬼  
無聲有立於堂從而視之無見也斯鬼乎曰非  
也鬼無形有觸吾躬從而執之無得也斯鬼乎鬼無  
氣曰非也鬼無聲與形安有氣曰鬼無聲也無形  
也無氣也果無鬼乎曰有形而無聲者物有之  
矣土石是也有聲而無形者物有之矣風霆是  
也有聲與形者物有之矣人獸是也無聲與形  
者物有之矣鬼神是也曰然則有怪而與民物  
接者何也曰是有二說有鬼有物漠然無形與  
聲者鬼之常也人有忤於天有違於民有爽於

物逆於倫而感於氣於是乎鬼有託於形有憑  
於聲以應之而下殃禍焉皆民之爲之也其既  
也又反乎其常神此與神降于曰何謂物曰  
成於形與聲者土石風霆人獸是也反乎無聲  
與形者鬼神是也不能有形與聲不能無形與  
聲一與聲者七字者物怪是也故其作而接於  
民也無恒故有動於民而爲福亦有動於民而  
爲禍亦有動於民而莫之爲禍福適丁民之有  
是時也作原鬼

行難



言之非難行之  
為難故以名篇

或問行孰難曰捨我之矜從爾之稱孰能之曰

陸先生參吳郡人見何如曰先生之賢聞於天

下是是而非非身元中自越州徵拜祠部員外

郎京師之人日造焉閉門而拒之滿街愈常往

間性同其問客席坐定先生矜語其客曰某胥

也某商也其生某任之其死某誅之禮記檀弓

誅自魯莊公始鄭云誅某與某何人也任與誅

之也一作非過罪歟皆曰然愈曰某之胥某之

商其得任與誅也有由乎抑有罪不足誅而任

之耶先生曰否吾惡

烏路切

其初不然任與誅也

何尤

尤甚也

愈曰苟如是先生之言過矣昔者管

敬子取盜二人爲大夫於公

敬子管仲也事見禮記雜記下

趙

文子舉管庫之士七十有餘家

文子晉國卿名武趙朔之子鄭

以爲管庫之士府史以下官長所置也舉之於君

下夫惡音求其初先生曰不然彼之取者賢也

愈曰先生之所謂賢者大賢歟抑賢於人之賢

歟齊也晉也且有二與七十焉而可謂今之天

下無其人耶先生之選人也已詳先生曰然愈

曰聖人之不世出賢人之不時出千百歲之間

儻有焉不幸而有出於胥商之族者先生之說  
傳吾不忍赤子之不得乳其母也先生曰然他  
日又往焉先生曰今之用人也不詳位乎朝者  
吾取某與某而已在下者多乎朝凡吾與者若  
千人愈曰先生之與者盡於此乎其皆賢乎抑  
猶有舉其多而沒其少者乎一作其先生曰固  
然吾敢求於全愈曰由宰相至百執事凡幾位  
由一方至一州凡幾位先生之得者無乃不足  
充其位也邪充猶稱也不早圖之一朝而舉焉今雖  
詳且微其後用也必粗先生曰然子之言孟軻

不如以孟軻好辯故也

### 對禹問

補註孟子之說主天命而公以人事言之其致一也

或問曰堯舜傳諸賢禹傳諸子信乎

堯子丹朱舜子商均

皆不肖故堯禪舜舜禪禹禹之子啓賢天下屬意焉史記徐廣曰舜二妃娥皇無子女英生商均

均曰然然則禹之賢不及於堯與舜也歟曰不

然堯舜之傳賢也欲天下之得其所也禹之傳

子也憂後世爭之之亂也堯舜之慮民也大禹

之慮民也深曰然則堯舜何以不憂後世曰舜

如堯堯傳之禹如舜舜傳之得其人而傳之堯

舜也無其人而不傳慮其患而不得如已者禹  
也舜不能以傳禹堯爲不知人禹不能以傳子  
舜爲不知人堯以傳舜爲憂後世禹以傳子爲  
慮後世曰禹之慮民也則深矣傳之子而當不  
淑則柰何曰時益以難理傳之人則爭未前定  
也傳之子則不爭前定也前定雖不當賢猶可  
以守法不前定而不遇賢則爭且亂天之生大  
聖人也不數堯角其生大惡也亦不數傳諸人  
得大聖然後人莫敢爭傳諸子得大惡然後人  
受其禍一作亂禹之後四百年然後得桀亦四百

年然後得湯與伊尹湯與伊尹不可待而傳也  
與其傳不得聖人而爭且亂孰若傳之子雖不  
得賢猶可守法曰孟子之所謂天與賢則與賢  
天與子則與子者何也萬章問人有言至於禹  
而德衰不傳於賢而傳  
於子有諸孟子以此爲  
不然故對之曰孟子之心以爲聖人不  
苟私於其子以害天下求其說而不得從而爲  
之辭

### 雜說四首

龍之嘘氣成雲雲固弗靈於龍也然龍乘是氣  
而茫洋窮乎玄間薄日月伏光景感震電神變

化水下土汨陵谷雲亦靈怪矣哉雲龍之所能  
使爲靈也若龍之靈則非雲之所能使爲靈也  
然龍弗得雲無以神其靈矣失其所憑依信不  
可歟異哉其所憑依乃其所自爲也易曰雲從  
龍既曰龍雲從之矣

易乾卦孔子之言龍以喻君

善醫者不視人之瘠肥察其脉之病否而已矣  
善計天下者不視天下之安危察其紀綱理亂  
而已矣天下者人也安危者肥瘠也綱紀者脉  
也脉不病雖瘠不害脉病而肥者死矣通於此  
說者其知所以爲天下乎夏殷周之衰也諸侯

作一作而戰伐日行矣傳數十王而天下不傾

者紀綱存焉耳史記徐廣曰夏從禹至桀十七

四百九十六年皇甫謐證曰周有王與無王用歲

分勢於諸侯聚兵而焚之傳二世而天下傾者

紀綱亡焉耳秦始皇并六國有天下至子胡亥

不相襲始者一也故是故四肢雖無故不足恃

也脉而已矣四海一作雖無事不足矜也紀綱

而已矣憂其所可恃懼其所可矜善醫善計者

謂之扶與之一作天易曰視履考祥善計善醫

者為之履卦上九視履考祥其旋元吉注云禍

福之祥生乎所履處履之極履道成矣



故可視履而考祥

談生之為崔山君傳稱鶴言者豈不怪哉然吾  
 觀於人其能盡其性而不類於禽獸異物者希  
 矣將憤世嫉邪長往而不來者之所為乎昔之  
 聖人一無者其首有若牛者帝王世也其形有若蛇者太昊包犧氏  
 穀有聖德教天下種其首有若鳥者白虎通  
 人首有聖德女媧氏其喙有若鳥者  
 亦然是為女皇也  
 是謂其貌有若蒙俱者荀子仲尼之狀面如蒙  
 至誠其貌有若蒙俱者荀子仲尼之狀面如蒙  
 首蒙茸然故曰蒙俱韓侍郎正謂公也  
 目為俱音荀子以大  
 此語涼注荀子以大  
 月為文序公時在潮州為刑部侍郎此語

授於彼皆貌似而心不同焉可謂之非人邪即

有平脅曼膚曼美也楚辭天問云平脅曼膚何以肥之蓋謂紂也顏如渥

丹美而很者其貌則人其心則禽獸又惡可謂

之人耶然則觀貌之是非不若論其心與其行

事之可否為不失也怪神之事孔子之徒不言

余將特取其憤世嫉邪而作之故題之云爾

世有伯樂王逸注楚辭伯樂姓孫名陽石氏星經云伯樂天星名主典天馬孫陽善

馭故以為名列子云伯樂素然後有千里馬漢武

紀應劭曰大宛舊有天馬種踰石汗血汗從前

肩膊出如血号一日千里馬援云昔有騏驎一

日千里伯樂見千里馬常有而伯樂不常有故

之昭終不惑

雖有名馬祇辱於奴隸人字之手駢死於槽枥

之間不以千里稱也馬之千里者一食或盡粟

一石今之食馬者食去聲下不知其能千里而

食也是馬也雖有千里之能食不飽力不足才

美不外見欲與常馬等不可得安求其能千里

也策之不以其道策馬也食之不能盡其材鳴之

而不能通其意執策而臨之曰天下無良馬嗚

呼其真無馬也邪其真不識一作馬邪

### 讀荀子

前漢藝文志孫卿子三十三篇註云名況趙人爲齊稷下祭酒有列傳顏師古

曰本曰荀局避宣帝諱故曰孫補註荀  
子非十二子以子弓注仲丘以性為惡  
以禮為偽豈非公之所欲削歟

始吾讀孟軻書然後知孔子之道尊聖人之道  
易行王易王霸易霸也以爲孔子之徒沒尊聖  
人者孟氏而已矣晚得楊雄書益尊信孟氏因  
雄書而孟氏益尊則雄者亦聖人之徒歟聖人  
之道不傳于世周之衰好事者各以其說干時  
君紛紛籍籍相亂六經與百家之說錯雜然老  
師大儒猶在火于秦黃老子漢註見上其存而  
醇者孟軻氏而止耳揚雄氏而止耳及得荀氏

書於是又知有荀氏者也考其辭時有若不醇粹要其歸與孔子異者鮮矣抑其猶在軻雄之間乎孔子刪詩書筆削春秋合於道者著之離於道者黜之故詩書春秋無疵余欲削荀氏之不合者附于聖人之籍亦孔子之志歟孟氏醇乎醇者也荀與楊大醇而小疵宋景文公筆記云韓退之稱孟軻曰醇乎醇者也至荀况楊雄大醇而小疵余謂未之盡孟之學也雖醇於用緩荀雖疵於用切楊則立言可矣不近於用

### 讀鵩冠子

前漢藝文志道家流有鵩冠子一篇註云楚人居深山以鵩鳥羽爲冠鵩何舊

切似雉而唐志云鷦冠子三卷此六上六篇豈漢時遺闕至唐而全耶抑唐志所謂三卷即十六篇也

鷦冠子十有六篇其詞雜黃老刑名其博選篇四稽五至之說當矣使其人遇其時援其道而施於國家功德豈少哉學問篇賤生於無所用中流失舡一壺千金者余三讀其辭而悲之文字脫謬為之正三十有五字乙者三減者二十有二註者十有二字云

註云佩玃可以渡水

讀儀禮

**補註**

唐明

經有三禮科儀禮其一也今

其書具在士冠禮士昏禮士相見卿飲

禮聘禮公食大夫禮士喪禮既夕禮士

虞禮特牲饋祀禮少牢饋祀禮有司凡

十七篇漢鄭康成註

其喪服子夏傳六

余嘗苦儀禮難讀又且

一作其

行於今者蓋寡

自

禮凡七篇

公襲不同復之無由考于今誠無所用之

一作用云

然文王周公之法制粗在於是孔子曰吾

從周謂其文章之盛也古書之存者希矣百氏

雜說

一作家

尚有可取况聖人之制度耶於是掇

其大要

都括切音

奇辭奧旨著于篇學者可觀

焉惜乎吾不及其時進退揖讓于其間嗚呼盛

哉

讀墨子

前漢藝文志墨子七十篇墨家者流  
蓋出於清廟之守茅屋采椽是以貴儉  
養三老五更是以兼愛選士大夫射是  
以尚賢宗祀嚴父是以右鬼順四時而  
行是以非命以蔽者為之見儉是以尚  
其所長也及蔽者為之見儉是以尚  
非禮推兼愛之意而不知別親疏王荆  
公太墨翟非亢然詆聖人必自立其說  
於世蓋學聖人之道而失之耳雖莊周  
亦然故韓氏作讀墨而又謂子夏之後  
流而為莊周則莊墨皆學聖人而失其  
源者也補註太史公論六家相要有墨  
家及為荀卿傳又曰墨翟宋大夫善守  
禦為節用或曰並孔子時或曰在其後  
公作讀墨以謂四者耳然則孟子辭而  
孔墨其意並謂四者耳然則孟子辭而



關之何耶王荆公詩謂兼愛為無父而固其理孔墨必相用天下寧有此而不知孟子所謂今之與楊墨辨者如追放豚則亦歸斯受之而已矣

儒譏墨以尚同兼愛尚賢明鬼而孔子畏大人

何晏云大人即聖人居是邦不非其大夫孟子

言居是邦也事春秋譏專臣孔子作春秋內大

其大夫之賢者不尚同哉孔子泛愛親仁以博施

濟眾為聖孔曰君能廣施恩惠濟民於不兼愛

哉孔子賢賢色子夏之言孔曰以好以四科進褒

弟子四科謂德行言疾沒世而名不稱何曰疾

不尚賢哉孔子祭如在譏祭如不祭者包曰孔

子或出

曰我祭則受福不明鬼哉儒墨同是堯舜同非桀紂同修身正心以治天下國家奚不相悅如是哉余以為辯生於末學各務售其師之說非二師之道本然也孔子必用墨子墨子必用孔子不相用不足為孔墨而列子云長古語墨翟無地而為孔丘無官不特煖孟子非中道其流以孔墨並稱則墨亦大賢文志曰墨家者流蓋出於清廟之守茅屋采椽是以貴儉養三老五經是以兼愛選士大射是以尚賢宗祀嚴父是以尚同此其所長也退之讀墨孟出於視天下嚴父是以尚同此其所長也退之讀墨孟出於此莊孟詢卿之論皆斥其所短也又嚴有翼曰墨子之書孟詢卿之疾其兼愛無父力排而禽獸之其言曰揚墨之道不熄之謂孔子道必用墨子墨子必用

孔子距之抑何垂刺如此耶若以孔墨爲必相用則孟子說子以謂向無孟氏皆服左社而己之排佛老可尊孟子以爲其功不在禹下意以己之排佛老可其說哉孟子也殊不知言之先後自相矛盾可勝

新刊  
經進詳補註昌黎先生文卷第十一

昌黎先生集卷第十二

雜著

獲麟解

麟之爲靈昭昭也詠於詩書於春秋雜出於傳記百家之書雖婦人小子皆知其爲祥也然麟之爲物不畜於家不恒有於天下其爲形也不類非若馬牛犬豕豺狼麋鹿然然則雖有麟不可知其爲麟也角者吾知其爲牛鬣者吾知其爲馬犬豕豺狼麋鹿吾知其爲犬豕豺狼麋鹿惟麟也不可不知則其謂之不祥也亦宜雖然麟之出必有聖人在乎位麟爲

聖人出也聖人者必知麟麟之果不爲不祥也又曰  
麟之所以爲麟者以德不以形若麟之出不待聖人  
則其謂之不祥也亦宜

師說

古之學者必有師師者所以傳道受業解惑也人非  
生而知之者孰能無惑惑而不從師其爲惑也終不  
解矣生乎吾前其聞道也固先乎吾吾從而師之生  
乎吾後其聞道也亦先乎吾吾從而師之吾師道也  
夫庸知其年之先後生於吾乎是故無貴無賤無長  
無少道之所存師之所存也嗟乎師道之不傳也久

矣欲人之無惑也難矣古之聖人其出人也遠矣猶  
且從師而問焉今之衆人其下聖人也亦遠矣而恥  
學於師是故聖益聖愚益愚聖人之所以爲聖愚人  
之所以爲愚其皆出於此乎愛其子擇師而教之於  
其身也則恥師焉惑矣彼童子之師授之書而習其  
句讀者非吾所謂傳其道解其惑者也句讀之不知  
惑之不解或師焉或不焉小學而大遺吾未見其明  
也巫醫樂師百工之人不恥相師士大夫之族曰師  
曰弟子去者則羣聚而笑之問之則曰彼與彼年相  
若也道相似也位卑則足羞官盛則近諛嗚呼師道

之不復可知矣巫醫樂師百工之人君子不齒今其  
智乃反不能及其可恠也歟聖人無常師孔子師郯  
子萇弘師襄老聃郯子之徒其賢不及孔子孔子三  
人行則必有我師是故弟子不必不如師師不必賢  
於弟子聞道有先後術業有專攻如是而已李氏子  
蟠年十七好古文六藝經傳皆通習之不拘於時學  
於余余嘉其能行古道作師說以貽之

### 進學解

國子先生晨入太學招諸生立館下誨之曰業精于  
勤荒于嬉行成于思毀于隨方今聖賢相逢治具畢

張拔去兇邪登崇峻良占小善者率以錄名一藝者  
無不庸爬羅剔抉刮垢磨光蓋有幸而獲選孰云多  
而不揚諸生業患不能精無患有司之不明行患不  
能成無患有司之不公言未既有笑于列者曰先生  
欺余哉弟子事先生于茲有年矣先生口不絕吟於  
六藝之文手不停披於百家之編記事者必提其要  
纂言者必鈎其玄貪多務得細大不捐焚膏油以繼  
晷恒兀兀以窮年先生之業可謂勤矣觝排異端攘  
斥佛老補苴罅漏張皇幽眇尋墜緒之茫茫獨旁搜  
而遠紹障百川而東之迴狂瀾於既倒先生之於儒



可謂有勞矣。沉浸醲郁，含英咀華，作爲文章，其書滿家。上規姚姒，渾渾無涯；周誥殷盤，佶屈聱牙；春秋謹嚴，左氏浮誇；易竒而法，詩正而葩；下逮莊騷、太史所錄，子雲相如，同工異曲。先生之於文，可謂閎其中而肆其外矣。少始知學，勇於敢爲，長通於方，左右具宜。先生之於爲人，可謂成矣。然而公不見信於人，私不見助於友，跋前疐後，動輒得咎。暫爲御史，遂竄南夷。三年，博士冗不見治命，與仇謀取敗，幾時冬煖而兒號寒，年豐而妻啼飢，頭童齒豁，竟死何裨？不知慮此而反教人爲先生曰：吁！子來前！夫大木爲杗，細木爲

桶櫛櫨侏儒椳闌居楔各得其宜施以成室者匠氏  
之工也玉札丹砂赤箭青芝牛溲馬勃敗鼓之皮俱  
收並蓄待用無遺者醫師之良也登明選公雜進巧  
拙紆餘爲妍卓犖爲傑校短量長惟器是適者宰相  
之方也昔者孟軻好辯孔道以明轍環天下卒老于  
行荀卿守正大論是弘逃讒于楚廢死蘭陵是二儒  
者吐辭爲經舉足爲法絕類離倫優入聖域其遇於  
世何如也今先生學雖勤而不繇其統言雖多而不  
要其中文雖奇而不濟於用行雖修而不顯於衆猶  
且月費俸錢歲靡廩粟子不知耕婦不知織乘馬從

徒安坐而食踵常途之促促窺陳編以盜竊然而聖  
主不加誅宰臣不見斥茲非其幸歟動而得謗名亦  
隨之投閑置散乃分之宜若夫商賄之有士計班  
資之崇庠忘已量之所稱指前人之瑕疵是所謂詰  
匠氏之不以杙爲楹而訾醫師以昌陽引年欲進其  
猗苓也

### 本政

周之政文旣其弊也後世不知其承大敷古先遂一  
時之術以明示民民始惑教百氏之說以興其言曰  
天下可爲也彼之政仁矣反於詛此之政敬矣矣於

忠何居我其周從乎曰周不及殷其殷從乎曰夏  
虞曰陶唐曰三皇氏曰遂古之初暴孽情飾淫志  
辭琢正紛紊糾射以僻民和以導民亂嗚呼道之  
去其終不復矣乎長民者發一號施一令民莫不  
然非矣謂不可守遽變而從之譬將適千里及門  
而復後雖矻矻決不可旣原其始固有啓之者也  
聞於師曰古之君天下者化之不示其所以化之  
之道及其弊也易之不示其所以易之之道政以  
是得民以是淳其有作者知教化之所繇廢抑詭  
怪而暢皇極伏文兒而尚忠質茫乎天運窅爾  
神化道之行也其

庶已乎

守戒

詩曰大邦維翰書曰以蕃王室諸侯之於天子不惟守土地奉職貢而已固將有以翰蕃之也今人有宅於山者知猛獸之爲害則必高其柴援而外施竄竄以待之宅於都者知穿窬之爲盜則必峻其垣墻而內固扃鑰以防之此野人鄙夫之所及非有過人之智而後能也今之通都大邑介於屈強之間而不知爲之備噫亦惑矣野人鄙夫能之而王公大人反不能焉豈材力爲有不足歟蓋以謂不足爲而不爲耳

天下之禍莫大於不足爲材力不足者次之不足爲  
者敵至而不知材力不足者先事而思則其於禍也  
有間矣彼之屈強者帶甲荷戈不知其多少其繇地  
則千里而與我壤地相錯無有丘陵江河洞庭孟門  
之關其間又自知其不得與天下齒朝夕舉踵引頸  
冀天下之有事以乘吾之便此其暴於猛獸穿箭也  
甚矣嗚呼胡知而不爲之備乎哉育之不戒童子  
之不抗魯雞之不期蜀雞之不支今夫鹿之於豹非  
不巍然大矣然而卒爲之禽者爪牙之材不同猛怯  
之資殊也曰然則如之何而備之曰在得人

丐者王承福傳

丐之爲技賤且勞者也有業之其色若自得者聽其言約而盡問之王其姓承福其名卅爲京兆長安農夫天寶之亂發人爲兵持弓矢十三年有官勲棄之來歸喪其土田手鏹衣食餘三十年舍於市之主人而歸其屋食之當焉視時屋食之貴賤而上下其丐之傭以償之有餘則以與道路之癘疾餓者焉又曰粟稼而生者也若布與帛必蠶績而後成者也其他所以養生之具皆待人力而後完也吾皆賴之然人不可徧爲也且乎各致其能以相生也故君者理我所

以生者也而百官者承君之化者也任有大小惟其所能若器皿焉食焉而怠其事必有天殃故吾不敢一日捨鎚以嬉夫鎚易能可力焉又誠有功取其直雖勞無愧吾心安焉夫力易強而有功也心難強而有智也用力者使於人用心者使人亦其宜也吾特擇其易爲而無愧者取焉嘻吾操鎚以入貴富之家有年矣有一至者焉又往過之則爲墟矣有再至三至者焉而往過之則爲墟矣問之其鄰或曰噫刑戮也或曰身旣死而其子孫不能有也或曰死而歸之官也吾以是觀之非所謂食焉怠其事而得天殃者



邪非強心以智而不足不擇其才之稱否而冒之者  
邪非多行可愧知其不可而強爲之者邪將貴富難  
守薄功而厚饗之者邪抑豐悴有時一去一來而不  
可常者邪吾之心憫焉是故擇其力之可能者行焉  
樂富貴而悲貧賤我豈異於人哉又曰功大者其所  
以自奉也博妻與子皆養於我者也吾能薄而功小  
不有之可也又吾所謂勞力者若立吾家而力不足  
則心又勞也一身而二任焉雖聖者不可能也愈始  
聞而惑之又從而思之蓋賢者也蓋所謂獨善其身  
者也然吾有譏焉謂其自爲也過多其爲人也過少

其學楊朱之道者邪楊之道不肯拔我一毛而利天下而夫人以有家爲勞心不肯一動其心以畜其妻子其肯勞其心以爲人乎哉雖然其賢於世之患不得之而患失之者以濟其生之欲貪邪而亡道以喪其身者其亦遠矣又其言有可以警余者故余爲之傳而自鑒焉

五箴

并序

人患不知其過旣知之不能改是無勇也余生三十有八年髮之短者日益白齒之搖者日益脫聰明不及於前時道德日負於初心其不至於君子而卒爲

小人也昭昭矣作五箴以訟其惡云

游箴

余少之時將求多能蚤夜以孜孜余今之時旣飽而嬉早夜以無爲嗚呼余乎其無知乎君子之棄而小人之歸乎

言箴

不知言之人烏可與言知言之人默焉而其意已傳幕中之辯人反以汝爲叛臺中之評人反以汝爲傾汝不懲邪而啾啾以害其生邪

行箴

行與義乖言與法違後雖無害汝可以悔行也無邪  
言也無頗死而不死汝悔而何宜悔而休汝惡曷瘳  
宜休而悔汝善安在悔不可追悔不可爲思而斯得  
汝則弗思

好惡箴

無善而好不觀其道無悖而惡不詳其故前之所好  
今見其尤從也爲比捨也爲讎前之所惡今見其臧  
從也爲愧捨也爲狂維讎維比維狂維愧於身不祥  
於德不義不義不祥維惡之大幾如是爲而不顛沛  
齒之尚少庸有不思今其老矣不慎胡爲

知名箴

內不足者急於人知靈焉有餘厥聞四馳今日告汝  
知名之法勿病無聞病其曄曄昔者子路惟恐有聞  
赫然千載德譽愈尊矜汝文章負汝言語乘人不能  
揜以自取汝非其父汝非其師不請而教誰云不欺  
欺以賈憎揜以媒怨汝曾不寤以及於難小人在辱  
亦克知悔及其既寧終莫能戒旣出汝心又銘汝前  
汝如不顧禍亦宜然

後漢三賢贊

王充者何曾稽上虞本自元城爰來徙居師事班彪

家貧無書。閱書於肆。市肆是遊。一見誦憶。遂通衆流。  
閉門潛思。論衡以修。爲州治中。自免歸歟。同郡友人  
謝姓夷吾。上書薦之。待詔公車。以病不行。年七十餘。  
乃作養性一十六篇。肅宗之時。終於永元。

王符。字仲德。安定臨涇人。好學。有志爲鄉人所輕。憤世著  
論。潛夫是名。述救之篇。以救爲賊。良民之甚。其言甚  
明。皇甫度遼。聞至。乃驚衣不及帶。屣履出迎。豈若鴈  
門問鴈。呼卿不仕。終家。吁嗟先生。

仲長統。字公理。山陽高平人。謂高幹有雄志。而無雄才。其  
後果敗。以此有聲。儻敢言語。默無常。人以其爲狂生。

州郡會召稱疾不就著論見情初舉尚書郎後參丞相軍事卒不至于榮論說古今發憤著書昌言是名友人繆襲稱其文章足繼西京四十一終何其短耶  
嗚呼先生

諱辯

愈與李賀書勸賀與進士賀舉進士有名與賀爭名者毀之曰賀父名晉肅賀不舉進士為是勸之舉者為非聽者不察也和而唱之同然一辭皇甫湜曰若不明白子與賀且得罪愈曰然律曰二名不偏諱釋之者曰謂若言微不稱在言在不稱微是也律曰不

諱嫌名釋之者曰謂若禹與兩丘與藍之類是也與藍

丘同音烏  
藍草名

今賀父名晉肅賀舉進士為犯二名律乎

為犯嫌名律乎父名晉肅子不得舉進士若父名仁子不得為人乎夫諱始於何時作法制以教天下者

非周公孔子歟周公作詩不諱若曰克昌厥後孔子

不偏諱二名

若曰宋不足弔  
又曰某在斯

春秋不譏不諱嫌名衛

相公

康王釗之孫實為昭王曾參之父名皙曾子不

諱昔

若曰昔者吾友  
又曰楊襄而平

周之時有騏期漢之時有杜度

此其子宜如何諱將諱其嫌遂諱其姓乎將不諱其

嫌者乎漢諱武帝名徹為通不聞又諱車轍之轍為



某字也諱呂后名雉為野雞不聞又諱治天下之治

為某字也今上章及詔不聞諱許勢秉饑也惟宦官

宮妾乃不敢言諭及機以為觸犯

諱以諭為近代宗廟以機為近代宗

諱士君子言語行事宜何所法守也今考之於經質

之於律稽之以國家之典賀舉進士為可邪為不可

邪凡事父母得如曾參可以無譏矣作人得如周公

孔子亦可以止矣今世之士不務行曾參周公孔子

之行而諱親之名則務勝於曾參周公孔子亦見其

惑也夫周公孔子曾參卒不可勝勝周公孔子曾參

乃比於宦者宮妾則是宦者宮妾之孝於其親賢於

周公孔子曾參者邪

訟風伯

維茲之旱兮其誰之由我知其端兮風伯是尤山升  
雲兮澤上氣雷鞭車兮電搖幟雨寢寢兮將墜風伯  
怒兮雲不得止暘烏之仁兮念此下民闕其光兮不  
闕其神嗟風伯兮其獨謂何我於爾兮豈有其他求  
其時兮修祀事羊甚肥兮酒甚旨食足飽兮飲足醉  
風伯之怒兮誰使雲屏屏兮吹使醕之氣將交兮吹  
使離之鑠之使氣不得化寒之使雲不得施嗟爾風  
伯兮欲逃其罪又何辭上天孔明兮有紀有綱我今

上訟兮其罪誰當天誅加兮不可悔風伯雖死兮人誰汝傷

### 伯夷頌

士之特立獨行適於義而已不顧人之是非皆豪傑之士信道篤而自知明者也一家非之力行而不惑者寡矣至於一國一州非之力行而不惑者蓋天下一人而已矣若至於舉世非之力行而不惑者則千百年乃一人而已耳若伯夷者窮天地亘萬世而不顧者也昭乎日月不足爲明萃乎泰山不足爲高巍乎天地不足爲容也當殷之亡周之興微子賢也抱

祭器而去之武王周公聖也從天下之賢士與天下之諸侯而往攻之未嘗聞有非之者也彼伯夷叔齊者乃獨以爲不可殷既滅矣天下宗周彼二子乃獨耻食其粟餓死而不顧繇是而言夫豈有求而爲哉信道篤而自知名也今世之所謂士者一凡人譽之則自以爲有餘一凡人沮之則自以爲不足彼獨非聖人而自是如此夫聖人乃萬世之標準也予故曰若伯夷者特立獨行窮天地亘萬世而不顧者也雖然微二子亂臣賊子接跡於後世矣

先生集卷第十二